

自序

青海南部有囊謙等土司二十餘族皆番也

衛藏通志謂之阿里克等四十族其間唯族數今昔參差之故具見考證門

玉樹四土司本蒙古部族游牧通天河上流番人謂之達木其地當西寧入藏孔道常代

表海南各土司支辦供億故西寧案牘率呼海南各土司爲玉樹等二十五族及其久也

則沒去等字徑呼爲玉樹二十五族遂以專名爲公名正猶隴省之名甘肅耳

元之甘肅省止有河

西諸州路及寧夏額濟納等地自洪河蘭會以東皆隸陝西而省治又在甘州故曰甘肅等處行中書省其名本正明發甘肅省併于陝西清初因之雍正分省時大勢以隴山爲

界此乃沿用元人甘肅之名而川邊附近囊謙目爲隆慶二十五族降慶者囊謙之轉音也近

年經略川邊者謂二十五族爲化外之民脅令投誠且置戍焉已得命於中央矣而番民

久隸西寧不樂屬川屢訴於甘而甘省所據以入告之文猶然玉樹二十五族也隴蜀共

爭一地而稱名互岐紛紛爭執踰年莫決中央乃飭兩省派員會勘時合肥張勳伯上將

初督甘肅以邊關道尹忠武軍統領周務學樸實耐苦文武兼資請特派爲查勘界務大

員謂希武頗究心邊事委充隨員洪陽牛君載坤故習測繪學遂邀與俱行以民國三年

八月由蘭首途至西寧取道海南小路踰大積石山絕河源渡崑崙

即巴顏哈拉山涉金

記 查 調 樹 玉

玉

樹

調

查

記

沙江朝犯瘴癘，暮逐水草，徑無人之地千餘里，艱苦備嘗。以十一月晦抵結古。即多牛君復衝寒冒險，徧歷各族，測繪地圖。希武則訪問長老，參攷圖志，真象既明，疑誤冰釋。周特派員乃具條兩省誤會之由及番情，向背之機，隴蜀控制之宜，由張勳伯上將轉達中央。踰年三月，奉令玉樹二十五族准仍歸甘肅西寧管理。川兵退出境外，凡駐結九閱月，界務藏事希武公牘餘暇，輒最錄所聞，並參以牛君調查所得久之盈卷，以類排比，稍加刪潤，命曰玉樹調查記。沿用訛名，取便稱謂也。乃爲序曰：禹貢析支，崑崙說者以爲析支在河首，崑崙在今新疆和闐南。而雍州黑水，清儒謂卽潞江。番人所謂哈喇烏蘇者是也。揚雄雍州牧箴黑水西河橫截崑崙，邪指闐闐，畫爲雍垠。今玉樹二十五族在崑崙之東，黑水之北，河源之南。其爲禹貢雍州封略所及，可斷言矣。殷周盛時，自彼氏羌莫不來享來王。三代以降，帝王德衰不能及遠。於是漢有西羌之禍，唐有吐蕃之患。而禹迹故壤遂以敵國異域視之矣。唐太宗至以宗室女爲公主，下嫁吐蕃，其酋迎之河源，卽今娘磋北境是也。元起朔漠，囊括亞洲。二十五族夷爲奴隸，明逐蒙古而青海餘孽猶役屬玉樹。清初始脫奴籍，羈縻勿絕。及其衰也，蒞盟委員視爲利藪，誅求椎剝，番不勝困而勢已積弱。卒

亦無敢有抗顏行者。始吐蕃盛時北陷河隴南沒松維以唐之強而不能遏其狂姦。及佛教大行於吐蕃。人種日減。殺心漸弭。而獷悍忍鷙之風亦稍稍衰矣。故以趙宋之文羸而吐蕃不能大爲邊患。明之季年。套虜跳梁海西。不聞海南有煽動之事。清之中葉。南番剽掠河北。不聞西番有響應之謀。斯非佛力去殺之明效歟。然天下之患。每伏於大利之中。彼唯不能爲吾患。則亦不能禁制遠夷而爲吾効保塞之助。王船山謂近夷衰弱。適足爲崛起遠夷之資。其今日吐蕃之謂乎。童駭無識。被人傀儡。終且俛虎教猱。牯糠及米。况二十五族與彼壤地毘連。又同種同教哉。玉樹不保。勢將北擾蒙古。禍必中於湟中。東煽果洛。患且及於洮岷。吾甘來日其盱食乎。今國家縱不能急切圖藏。豈可坐令玉樹爲之資耶。顧玉樹鄙遠艱食。宿兵實難。內地轉餉。寧能持久。計唯亟經營附近西寧蒙番。逐漸拓殖。以及玉樹而經略之基。須寧海特別區域實行後。以湟中之全力萃於青海。始克有濟。蓋自海濱以至河首。荒原亂岫。豐草大泊。目極千里。往往無人。唯剛咱果洛諸野番時出沒其間。自非三月聚糧盛列卒徒。莫敢前往者。倘兵屯旣列。亭障相聯。道路無虞。來往玉樹者漸多。然後以兵保商。以商興屯。以屯足食。而瘠陲可化爲沃壤。玉樹之植基旣固。即

可聯絡川邊以爲制藏之計。今歐戰方酣。不暇東顧。吾國人欲經略海藏。此誠千載一時之機會。失今不圖。後必噬臍。而世之君子方且競爭權利於中區蹄涔之水。坐視百餘萬方里之陸海榛莽際天以待他族之開闢。此希武與牛君所爲讀山有樞篇而相視流涕者也。乃發憤述玉樹調查記以爲經略青海之嚆矢。並以質世之留心邊事者。都四萬餘言。

維廿五族。荒服於清。民國勘撫疆索以明。述部落記第一
兩戒維首。崑崙之墟。昔導厥委。今詳其初。述山脈記第二
夏姒導江。不竟其源。黑水雍略。後儒異言。述水道記第三
與康騎唐。是亦一奇。險阻既著。籌邊是資。述地形記第四
清末政圯。蒙藏披離。鑒彼圖此。勿謂小夷。述政治記第五
吐蕃崇佛。殺去力衰。因勢利導。勝國是師。述宗教記第六
聚斃鳥葬。獸心未革。立教易俗。匪伊朝夕。述風俗記第七
貨棄於地。地瀕於邊。混沌不鑿。人將我先。述實業記第八

蝸角蠻觸。睚眦構兵。事近蒐瑣。可燭番情。述掌故記第九
荒裔晚著。史籍無徵。輟舉所見。西爪東鱗。述攷證記第十

玉樹調查記卷上

天水周希武著

部 落

海南各土司除少數蒙古族外其餘言語狀貌宗教風俗大類西藏族蓋羌渾吐蕃之支裔也其棲息之地爲金沙鴉礪瀾滄諸江之上流在虞夏爲雍州蠻荒之地殷周迄漢爲西羌地晉及六朝迭爲吐谷渾白蘭党項所據唐宋以降爲吐蕃地元明以後其土人夷爲蒙古奴隸清初始脫奴籍載在貢馬番族之列二百七十年來唯以羈縻爲政策會盟徵求之外聽其自生自滅而不爲之所乃至種落分合之故番酋嗣襲之常檔冊亦略而不具入民國後遂以稱名之互歧釀成隴蜀之爭執紛紛者踰年而不決夫玉樹屬隴屬蜀猶之中國也所憂者附近西藏隱患方長耳余隨使玉樹訪問長老參考圖志始得其種族區分之詳述部落記而以位置疆域弁於篇首

玉樹在青海之南部地形縱狹橫廣南盡北結一度當雜曲鄂穆曲二水之間川邊昌都之北北盡北緯三十五度三十分當黃河源星宿海之南岸南北相距三度三十分

西盡東經(準英經度)九十四度當通天河南北二源合流之西

按自此處西至東經九十度其地皆屬青海其

間有無人種尚未調查的確東盡東經九十九度三十分當

河東源盡處東西相距五度三十分

面積約四十萬方里占有青海全部三分之一弱

位上置

東與川邊石渠鄧科同普昌都諸縣爲界南與類烏齊及前藏納書克等三十九族爲界西北皆荒寒無人之地遙與蒙古柴達木新疆東南部相接東北與果格番毘連東西約

一千二百里南北七百餘里

以上疆域

玉樹凡二十五族曰囊謙族曰拉休族曰蘇爾莽族曰蘇魯克族曰格吉上中下三族曰中壩上中下三族曰迭達族曰稱多族曰固察族曰安冲族曰娘磋族曰玉樹四族曰扎武三族曰永夏族曰蒙古爾津族曰竹節族

囊謙爲玉樹二十五族中之一大族有分土有分民領袖各族而無管理各族之實權其

地跨據雜曲鄂穆曲兩河東與蘇爾莽爲界南與昌都類烏齊及巴屑多舒瓊布噶魯色

爾扎等族

自多舒以下諸族即納書克等三十九族中之數也

爲界西與蘇魯克中壩格吉爲界北與拉休爲界有

千戶一員駐色魯馬莊

莊民四十餘戶別有千布管理

千戶下有散百戶四員百長二十六員爲千戶分

理土地屬民共二千餘戶耕牧相雜

羣博百戶駐色魯馬西南八九十里之折牙馬地方管番民一百餘戶廬居耕田

洞巴百戶駐色魯馬西一百五十里之岸陌計地方管番民五十餘戶帳居畜牧

巴舊志自爲一族何時歸并囊謙
無考（諸稱舊志皆指衛藏通志）

阿夏百戶駐色魯馬西八九十里之打巴拉地方管番民九十餘戶帳居畜牧間有耕田者

加茶百戶駐色魯馬西十餘里之宗唐地方管番民一百餘戶半耕半牧

以上四百戶均在千戶所駐色魯馬莊輪流辦事當值百戶則有代理千戶事務之全權每日由千戶給當值者生羊肉早晚各一方其酥油炒麵皆自備而現在羣博加茶二百戶則最爲千戶所倚信

多烏一作百長駐色魯馬東五十六里之謙木多地方管番民三十餘戶廬居耕田

遜打迫百長亦稱百戶駐色魯馬東北九十餘里之強木曲地方管番民一百二十餘戶廬

居耕田按遜打迫亦作賈蓋拼音也

部 落

四

茶瓦百長駐色魯馬東北八十餘里之雄郎地方管番民四十餘戶廬居耕田

羣品百長駐色魯馬東北四十餘里之打木容地方管番民十餘戶帳居畜牧

蔥沙百長駐色魯馬北五六十里之打木科地方管番民三十餘戶廬居耕田

中冷百長駐色魯馬北七八十里之阪雲地方管番民十餘戶帳居畜牧

中沙百長駐色魯馬西北八九十里之阪雲地方管番民三十餘戶帳居畜牧

六七年間 靈謙因川邊德格之擾上控西寧蘭州中沙百長來往
遞呈有功千戶許爲請充百戶未果然至今人均以百戶稱之云

達沙百長亦稱駐色魯馬西北七八十里之阪雲地方管番民七八戶帳居畜牧

朵吾百長駐色魯馬西北百里之阪雲地方管番民十餘戶帳居畜牧

中壩巴羣百長 東桑百長 曲才百長同駐牧色魯馬西一百五六十里之岸阪計

地方與洞巴百戶雜居共管番民二十餘戶帳居畜牧

百長之弟名曲才者分立爲百長即以
其姓名部落又三百長均稱中壩云

加冷中壩百長現升爲駐色魯馬西南約百餘里之志拉博多哈地方管番民六十餘

戶帳居畜牧

協亥百長駐色魯馬南六七十里之巴隆地方管番民三十餘戶帳居畜牧

節存百長駐色魯馬東偏南六七十里之那寧地方管番民十餘戶帳居畜牧

蓋多百長駐色魯馬東南七八十里之多那地方管番民二十餘戶廬居耕田

阿卓百長駐色魯馬東偏南七八十里之加拉哈地方管番民十餘戶帳居畜牧

阿代百長駐色魯馬東偏南之雜哈地方管番民十餘戶帳居畜牧

梅鳥百長駐當木喀距色魯馬三十餘里管番民十餘戶帳居畜牧

旦那百長駐色魯馬東南九十里之保無容地方管番民十餘戶帳居畜牧

多岡馬同百長駐色魯馬東南百餘里之東岡容地方管番民十餘戶廬居耕田間有

畜牧者

色藥百長駐雜曲河北岸聶容地方距色魯馬百餘里管番民十餘戶帳居畜牧

蘇諾百長駐雜曲河北岸聶雲地方距色魯馬約百里管番民二十餘戶帳居畜牧

安登百長駐雜曲河東岸顧強雲地方距色魯馬一百二十餘里管番民百餘戶廬居

耕田

按此外尚有拉雪安可二百長未詳所在 又按上列戶數皆得自訪聞多隱匿不實度止有實數三分之一耳以下各族均仿此

扎武拉達布慶謂之扎武三族同駐牧一地在通天河南東以朝午拉山與川邊鄧科縣

爲界南與川邊同普縣爲界西與蘇爾莽拉休迭達爲界北以通天河與迭達及加迭喀

桑之曲河流城諸族謂爲界扎武百戶駐結古一作蓋所屬百長六員日哈至駐結古東

藍達日哈秀其駐處均見下管番民三百餘戶拉達百戶駐班慶寺附近所屬百長一員番民

一百餘戶布慶百戶駐班慶寺東登喀色莊所屬百長七員有現止番民一百餘戶 扎武

有華離之地二處一在通天河邊稱多拉布迭達之交藍達哈拉休二百長所駐也一在

義曲河西迭達玉樹安冲之交節綜哈秀二百長所駐也哈秀前百長喇嘛也死無嗣現

理哈秀事務三族之民廬居耕田者多帳居畜牧者少結古爲商賈走集之地二十五族之都

會也市民有二百餘家

拉休族駐牧地橫跨子曲河南北東與扎武蘇爾莽爲界南與囊謙以夏拉山爲界西與

格吉麥馬族爲界北與迭達玉樹爲界所屬百長十二名番民五百餘戶十九皆帳居畜

牧百戶駐隴喜寺又蘇爾莽東境有吹靈多多寺原自爲一族後附屬拉休

又按拉休百長十二員除

（百戶臨時所置以理民事者代行其職）

迭達駐牧地跨通天河其大部在河西東與稱多扎武屬地及拉布寺竹節族爲界南與扎武拉休爲界西北與扎武屬地及玉樹連界所屬百長三名曰拉達曰龍媒曰狝德番民六百餘戶廬居耕田與帳居畜牧者相半百戶駐通天河東北岸亦名迭達莊固察駐牧地在通天河東北岸東與加迭喀桑及稱多爲界北與娘磋爲界西南以通天河與安冲爲界百戶駐沁喀莊無百長所管番民一百餘戶廬居耕田

稱多駐牧地在通天河東岸東北與加迭喀桑爲界西北與固察爲界南與拉布寺迭達及扎武屬地爲界百長一員曰喀俄屬民三百餘戶廬居耕田百戶駐周均莊

安冲駐牧地在通天河西南岸東北以通天河與固察爲界北與玉樹娘磋連界西南與扎武屬地爲界百長七員

曰安冲曰阿薩曰阿永曰葉吉曰拉吉曰列玉曰典巴

屬民五百餘戶廬居耕田百戶駐

安冲莊

按典巴百長屬民近年分逃娘磋固察百長途失職

蒙古爾津族 永夏族 竹節族 同牧咱曲河流域統稱加迭喀桑（譯言三族人民）

王樹調查記卷上

合駐之意）又謂之咱曲喀娃（譯言咱曲河地方之人也）東與川邊石渠縣爲界南

與扎武爲界西與迭達拉布寺稱多固察爲界西北與娘碓爲界東北與果洛番爲界地

處奢拉山哈巴顏山南麓風氣高寒民皆帳居畜牧自竹節寺迤南踰加浪山循歇武溝至

通天河濱稍有廬居耕田之民蒙古爾津百戶駐奢雲水入咱曲河之交無百長屬民一

百餘戶永夏百戶駐東羣河上流所屬百長一員曰喀耐寺駐番民五百餘戶竹節百戶駐

竹節寺兼爲喇嘛其族自蒙古爾津分出年月所屬百長三名休瑪百長駐奢雲此武百

長駐歇武寺阿也六瓦百長駐義赫曲（即柴龍）一帶地方番民共五百餘戶各族牧地交錯歲時遷徙無定今亦不能詳著

其分界云

按蒙古爾津前百戶死時其子勿健諾布尙幼其妹白力代理百戶事務白力生子官

磋後遂襲職稱白力登馬百戶勿健諾布既長乃招集其父故部自爲一族由是蒙古

爾津分而爲二勿健諾布卽以爲名爲部落之名而蒙古爾津之名遂微然則上所謂

蒙古爾津者何也謂勿健諾布也其不予白力登馬者何也重血統也白力登馬族現

駐牧咱曲河上源屬番二百餘戶附近通天河之色科溝有屬田歲春則往田秋收則

去

阿也六瓦族原係各族亡命之徒羣聚肆掠經各百戶追捕窮急遂逃聚熱雲義赫曲之間插帳而居自爲一部搶掠少衰受竹節百戶節制然猶爲各族盜賊之逋逃藪云

按阿也六瓦前百長桃南求達沒時其子貢哈汪吉倫幼暫令其弟官礎代理百長事務

蘇爾莽駐牧地在子曲河下流東與扎武爲界南與昌都爲界西與囊謙爲界北與拉休爲界百戶駐囊結寺所屬百長二名曰汪章拉番民四百餘戶田多牧少

蘇魯克駐牧地在鄂穆曲河南東以桑木曲水與囊謙爲界西以雅木曲水與中壩麥馬族爲界南以大山（即當拉嶺山脈）與藏邊之瓊布色爾扎族爲界北以鄂穆曲河與囊謙爲界所屬百長二名曰巔巴賽瑣番民四十餘戶

格吉麥馬格吉班馬格吉得馬三族同駐牧雜曲及子曲河上流東與拉休囊謙爲界南與中壩爲界西北與玉樹爲界麥馬百戶駐子曲河上流所屬百長一名番民四百餘戶得馬族近分爲二母族曰咱梭百戶子族曰那錯百戶均駐雜曲河北岸無百長屬民共一百餘戶班馬百戶駐讓雲地方無百長屬民一百餘戶皆帳居畜牧三族牧地交錯亦難分析云

上 卷 記 查 調 樹 玉

中壩麥馬中壩班馬中壩得馬三族同牧鄂穆曲及阿雲當木雲之上源東與囊謙蘇魯克爲界南以當拉嶺與藏邊之瓊布色爾扎納魯養他馬納魯木他馬夥爾吉卡夥爾梭得馬各族爲界西境皆無人之地北與玉樹格吉爲界麥馬百戶駐鄂穆曲河南所屬百長一名番民四百餘戶班馬百戶駐鄂穆曲河北所屬百長一名番民一百餘戶得馬百戶駐當木雲之上源所屬百長一名番民

頃中壩班馬百戶死無嗣暫由囊謙千戶委羣博百戶代理班馬事務

未詳皆帳居畜牧中壩原有百長三員今其一失散

戎摸將賽總舉鴉拉謂之玉樹四族同牧通天河上游東與娘磋安冲扎武屬地迭達拉休錯壤南與格吉中壩毘連西北皆無人之地地面最爲遼闊唯多荒寒不毛之區其民皆以游牧射獵爲業遷徙往來無常處戎摸百戶現駐業卡曲入通天河之交東南距結古五六日程屬民五百餘戶近年戎摸百戶耐鼎之姪干卜汪加分立爲日瓦百戶將賽百戶駐通天河南登俄隴水之上游西北距戎摸二日程屬民百餘戶總舉百戶駐通天河北曲馬來雲地方東南距結古十二日程屬民一百餘戶鴉拉百戶駐通天河南當木雲地方屬民八九十家玉樹現有百長五員曰夏西曰插哈曰巴拉曰布湫曰邦九各私

其土子其民不受百戶節制總舉之民有白馬斗金者現駐池桃日瓦之地在當木雲西爲人頗強幹玉樹各族之事多由其主持焉

娘磋駐牧地橫跨巴顏哈拉山北瀕星宿海及扎陵鄂陵二海與柴達木相接南至通天河與固察安冲爲界東與加迭喀桑及果猪番爲界西南與玉樹爲界南境協曲河流域有廬居耕田之民迤北風氣高寒民皆帳居畜牧百戶無常治百長一名屬民三百餘戶

覺拉寺屬地在雜曲河北囊謙拉休之間屬民百餘戶

按覺拉寺即舊志所謂南稱界內駐牧喇嘛覺巴拉族也原司會盟時遞文之差免其馬貢今所司廢弛已久

拉布寺屬地在通天河北竹節稱多扎武迭達之間屬民一百五十餘戶

按拉布寺即舊志所稱喇嘛拉布庫克族也原司木魯烏蘇(即通天河)濟渡免其馬貢後因距渡口稍遠司渡之事遂由扎武藍達百長管理

按以上二族以寺僧管理番民無百戶百長之職亦不歸他族管理亦玉樹各族之變例也而拉布寺則請拉休百戶爲代理人

玉樹二十五族區分表

族名	土	職	駐牧地	界	所屬頭目	屬民
----	---	---	-----	---	------	----